



Universitätsbibliothek Paderborn

Liber De Prudentia Ivstorvm

Juan <de Jesús María>

Coloniae Agrippinae, MDCXIV

Cap. XI. Hortatur ad tolerantiam, & remissionem Iniuriarum.

[urn:nbn:de:hbz:466:1-46940](#)

tilissimis vocibus, orabit pro vobis: & reportabit lætum nuntium firmissimæ spei, & cælestis lætitiae meæ. Beati illi, à quorum conspectu pauperes nunquā desolati recedunt. Beati qui gemitus egenorum nunquam repellunt, nec importunitate vincuntur. Beati qui misericordia delectantur, quoniam mercedem magnam, mensuramque bonam, & confertam, & coagitatam recipient; & cum infinita consolatione, intrabunt in æternum gaudium Clemensissimi Patris mei.

CAP. XI.

Hortatur ad tolerantiam, & re-
missionem iniuriarum.

Si verè sapientes, ac beati esse dñe-
deratis, filij charissimi, scitote vos
fore beatos, cùm homines vobis male-
dixerint, & exprobauerint, & dixer-
int omne malum aduersum vos, si pa-
tienter sustineatis, non reddentes ma-
lum pro malo, sed vincentes in bono
malum. Hæc est altior mundo eruditio-

F 6

mea



mea, quam docui discipulos meos, factus opprobrium hominum, & postrema abiectio plebis. Hæc est prudentia Iustorum sæpè notata in dulcissimo testamento, & Euangelio meo. Cùm enim essé honore infinito dignus (quasi vnigenitus à Patre, splendor gloriæ, & figura substantiæ eius) versus sum in parabolam ciuitatis regiæ, & sacerdotalis, quam dilexi. Veste alba, ad contemptum, indutus fui, & circumdatus purpureo vestimento, tenens sceptrum, arundinem, & coronam dolore, & irrisione plenam. Descendi ad postremam vilitatem, & abyssi operuerūt me. Quis hic cognosceret filium Dei Altissimi, inter improperia innumera-bilia, quæ ceciderunt super me? Scriptum est: Vidimus eum, & non erat ei aspectus, nequè decor, vnde nec reputauimus eum. Quid hic dicam de ignominiosa comparatione Barrabæ, cum Deiverbo, per quod facta sunt omnia? Quomodo optimates sanctæ Ciuitatis præposuerunt hominem seditiosum, latronem, & homicidam, Regi, Redemptori, & Deo suo? Sed nequè hic
oppo-

opprobria mea cessauerunt: adhuc enim morienti caput agitantes insultabant, vt saturatus opprobriis interirem. Et tamen in omnibus his irrisoribus, quibus aduersum me loquebantur, qui sedebant in porta, non me vlicisci cogitaui, sed cor mitissimum exhibui, & infiniti amoris ostensione pro irrisoribus sanguinem meum, & supremas intercessionis voces ad Patrem misi. Hoc est exemplar, quod imitari debetis, filij, vt iniurias patienter feratis, & remittatis unusquisque fratri suo, de cordibus vestris. Bibite mecum calicem improperij datum a me vobis in mensura: & opiniones hominum pro nihilo ducite. Quid interest, si vani homines male de vobis sentiant, aut loquantur? Nunquid propterea delebo vos de libro vitae, & honoribus aeternis expoliabo? Si hominum contemptum mecum hilari vultu feratis, filij mei, nomen vestrum requiretur a generatione in generationem, laudesq; vestras suauissime pronuntiabit Ecclesia. Et ego in regeneratione, cum venero in Maiestate, celebrabo clarissimas victorias vestras. CAP.